



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za pristupanje postupku
kupovine (otkupa) lokomotive za potrebe dodatnog uređenja Bistričke stanice
(Prijedlog)

Predlagač: Gradonačelnica Grada Sarajeva
Obrađivač: Gradska služba za lokalno poslovanje

Sarajevo, juni 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva na __. sjednici održanoj dana __. __. 2024. godine, donijelo je:

(Prijedlog)

**Odluku
o davanju saglasnosti gradonačelnici Grada Sarajeva za pristupanje postupku
kupovine (otkupa) lokomotive za potrebe dodatnog uređenja Bistričke stanice**

Član 1.

Gradsko vijeće Grada Sarajeva daje saglasnost gradonačelnici Grada Sarajeva za pristupanje postupku kupovine (otkupa) parne lokomotive serije 62 ili 83, antikorozijski zaštićene, s montiranim kolisječnim poljem, a za potrebe dodatnog uređenja Bistričke stanice u Sarajevu.

Član 2.

Postupak iz člana 1. ove Odluke provest će se u skladu sa zakonom i drugim propisima, a nakon čega će Gradsko vijeće Grada Sarajeva biti informisano o provedenim aktivnostima.

Član 3.

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI ZA DONOŠENJE

Gradsko vijeće Grada Sarajeva, na 16. sjednici održanoj dana 01.06.2022. godine, donijelo je Odluku o davanju saglasnosti gradonačelnici Grada Sarajeva za pristupanje postupku kupovine (otkupa) parne lokomotive za potrebe Bistričke stanice („Službene novine Kantona Sarajevo“, broj 24/22) kojom je dalo saglasnost gradonačelnici Grada Sarajeva za pristupanje postupku kupovine (otkupa) parne lokomotive (muzejskog eksponata) „Kusače“, serijski broj 4379, proizvedena godine 1901. u fabrici „Kraus“ Comp. München&Linz, Njemačka, snage 90 KS, izložene u krugu tvornice „Krivaja“, a za potrebe Bistričke stanice u Sarajevu.

Uvažavajući negodovanje grupe građana Zavidovića radi najave da će lokomotiva biti prebačena u Sarajevo, a koje je iskazano na uličnim protestima u ovoj općini, gradonačelnica Grada Sarajeva predložila je Gradskom vijeću Grada Sarajeva da odustane od kupovine navedene parne lokomotive. Na 20. sjednici održanoj 26.10.2022. godine, donešena je Odluka o stavljanju van snage Odluke o davanju saglasnosti gradonačelnici Grada Sarajeva za pristupanje postupku kupovine (otkupa) parne lokomotive za potrebe Bistričke stanice (Službene novine Kantona Sarajevo, broj: 44/22).

Na službenu e-mail adresu Grada Sarajeva 14.03.2024. godine zaprimljena je obavijest o prodaji parne lokomotive serije 62 koja je smještena u naselju Golubinja u Općini Žepče.

Izvršen je obilazak navedene lokomotive i konstatirano da je restaurirana i da je u odličnom stanju. Lokomotiva je u vlasništvu TERRA INVEST D.O.O., Golubinja bb, 72 230 Žepče. Ponuđena otkupna cijena je u iznosu od 100.000,00 KM.

Nakon provođenja potrebnih postupaka i stvaranja neophodnih uslova za kupovinu (otkup) navedene lokomotive, potrebno je osigurati transport od mjesta Golubinja nadomak Žepča i prostor za njen smještaj kod Bistričke stanice, a što bi predstavljalo obavezu Grada Sarajeva.

FINANSIJSKA SREDSTVA

Za realizaciju Odluke finansijska sredstava će se osigurati u Budžetu Grada Sarajeva za 2024. godinu.